

**Châng Thlan:** *Galatia 2:20.*

**Zirlaite Tân:**

**Hriat Tûr:** Pathian hmâa rorêlna hmuna thiamchang kan nih theih dân tûr kawng awm chhun chu sawifiah la.

**Vei Tûr:** Mahni thiltih zâra tling nih tumna bânsan a, Kristâ felna rinchhan zâwkna ațanga hahdamna hriatna neih.

**Tih Tûr:** Keimahnê âia Kristâ thihna leh A nunna ataka nunpui hmiahna fiah taka târlan.

### THUPUI THEN

#### I. Hriat Tûr: Krista Mi Fela Siam

- A Engati nge rim taka thawk a, mahni-inphat a, Pathian thupêkte zawmna hmanga mi fel nih a theih loh tlat?
- B Engtin nge kan felna âia Kristâ felna min chantîrnaah Pathian chu mi dik a nih theih? Chutiang atân chuan kan rinna țangkaina chu enge ni?

#### II. Vei Tûr: Keimah Ni Lovin

- A Engati nge mahni felna rêng rêng chhuâng lo va, Kristaa rinna nghah hmiah zâwk chu a pawimawh viau?
- B Kristan min tihsak tâk chung a chawlh hmiahna ațangin eng rilrû, taksâ leh thlarau lam hlâwk nate nge kan têt?
- C Kristaa chawlh hi thatchhe taka nunna tûr a ni em? Engvâng nge?

#### III. Tih Tûr: Kristâ Nuna Nungin

- A Engtin nge Kristâ thihnaa inchhiar tel a, A nun nunpuina hian kan nun dânah danglamna a thlen țin?
- B Engtik lai pawh a, Kristâ thihnaa thî a, Kristâ nuna nung thei tûrin, eng thutlûknate nge kan siam țin?

**KHAIKHÂWMNA:** Rinna zârah Pathian hmâa lo kalin, Kristâ thihna zâra ngaihdamna leh A hmâa thianghlina din theihna min siamsak chu kan pawm a. Rinna zârah vêk chuan mahni inthihsanin, keimahniah Krista chu kan nuntîr thei ta a ni.

## INZIRTÎR DÂN TÛR

### RAHBI 1—Chawk phûr rawh

**Thlarau thanna atâna thu pawimawh:** *Kan tâna Kristâ min thihsakna rinna leh, A felna keimahni puala kan pawmna zârah, Pathian hmâah thiamchangin kan ding thei ta a ni.*

**ZIRTÎRTÛTE PUÂL:** Thiamchantîrna thupuih hian in pâwlte chuan rilrû leh thlarau lama an inchiar tel theih nân a hnuaiia tihtûr hi hmang ang che.

**Bultan nân:** Philip P. Bliss-a kha Dwight Moody-a rawngbâwl laia rawngbâwlpuitu tirhkoh leh hla-phuahtu a ni a. Philip-a leh a nupui, Lucy chuan an fâ kum li mî lek chu an thiante leh chhûngte kutah dahin, kum 1876 December thlâa Moody rawngbâwl na tawîawm tûrin rêlin an chhuak a. An chuanna rêlin Ohio-a Ashtabula Lui an kân lai chuan lei chu a chim a, rêl chu a hnuaiia tui vâwt tak makah chuan a tla ta a. Philipa chu a chhuak mai a, mahse a nupui zawngin rêlah chuan a lût leh a, rêl kâng chhe chhûngah chuan a lo tâng tlat sî a ni.

Anni nûpa ruâng pawh hi hmuh a ni ta lo va, mahse Philipa thingrem erawh chu an hmu hlah mai. Thingrem chhûngah chuan kutziak hla thû hi an hmû a, chû chu a hla puah a zawng lâr ta ber: “Ka Tlantu Fakin Ka Zâi Ang” tih a ni. ([http://en.wikipedia.org/wiki/Philip\\_Bliss](http://en.wikipedia.org/wiki/Philip_Bliss)). In pâwlah solo emaw a huho emawin sâ ang che u. Adventist Hla bû, no. 191.

**Ngaihtuah teh:** Râwng taka kraws-a Kristâ thihna chung a lo lâwm viaw ang awm hi thil intu lo a ni em? Chhandam kan nih nâna Isuan a man a pêk chungchâng chik taka ngaihtuahna hman hi engati nge thil manhlâ tak a nih? Philip-a leh Lucy fâte tân chuan hê hlâ hi thlamuânpuiaawm tak a ni ngêi ang. Hê hla thu zûlpui tûr, chhandam kan nih nâna Isuan aman a pêk, *Thupuan* bûa an sak tûr chu enge ni? (*Thupuan* 5:9–13, 7:9–

17, 12:10–12.) Hê hlâa târlan, lal̄thutphah vêla chibaibûktûte chatuana an hlim viau reng chhan tûr chu târlang teh u.

## **RAHBI 2—Zawng chhuak rawh**

**ZIRTÏRTÛTE PUÂL:** Hê zirhona hi rinna te, thuâwihna te leh thiamchantîrna inkûngkaih dân bih chian nân hmang ang che u.

### **ZIR ZAUNA**

#### **I. Rinna T̄obulte** (*Genesis 12:1–8; 15:5, 6.*)

Abrahama (a hmâa Abrama) chanchin, Pathian nêna an lên dun chungchâng chu *Genesis 12*-ah kan hmû a. Ani kha Adama hnû kum sâng hnih vêl, Tuilêt hnû kum za tam tak hnûa piang a ni a. Mi dangte pawhin Pathian nêna inlaichînna chu an neih vê tho laiin, Abrahama hi chu *Genesis* ziaktu hian a chanchin thui takin a ziak bîk a. Abrahama damlai khân, Pathian nêna inbiakna nuntawng thar a tam mai a, ani kha hun lo kal zêla rinna dik entîrna tling, rinna lo ðhan chhoh zêl dân entîrna ðha tak a ni ta.

Abrama chanchin kan hriat ðanna chu Pathianin a koh a, an chênna ram leh a pâ chhûngte chhuahsan a, hnam ropui taka din a la nihna tûr ‘Ram Tiâm’ lama kal tûra tih a nihna kha a ni. Chutah, Abrama chuan a damlaia chû thutiam chu thleng lo tûr anga a lan avângin thil eng emaw a ti ta a. Abrama chuan fâ rêng a nei lo tih a inhriatin, Pathianin vân arsi zâta tam chhûngkua dinsak a tiam ta a. LALPAN a rochun tûr ram pêk a tiam a, Abrama chuan LALPA chu a ring a, chû chu Ani chuan a felnaah a ruat a,” (*Gen. 15:6, NIV*). Tichuan Pathianin hê Abrama vahvaihna ram, ‘Ram Tiâm’ hi kum zalî vêl a vei hmâ loh chuan an chhûngkaw pual a ni rih lo vang tih pawh a hrilh bawk a.

Abrama khân a hnêna tiam fapa a neih nân thilmak lo thlenga fapa a neih nân kum za mi a nih thleng a nghah a ngai bawk a. Pathian thutiam tam tak lo thlen famkim ðanna

chauh a la ni a. Chutah a upat fê tawh hnûin, kum khâ leh chen nghâkhlel taka a lo thlîr, a fapa chu tlâng khawhar tak chung a vân angelte hmuh a inthâwina atâna hlân tûra tih a ni leh ta sî a.

Abraham khân inkâwina ang deuh rinna a lantîr a. A chângin rinna a lantîr a, a châng lahin mahni ngaihdânin a kal mai bawk a. Chutichungin, rinna kawngah a t̄hang zêl tho va. A fapa neih chhun hlân tûra ngen a nih pawh khân, ngaihtuah buai a, chhuanlam siam kâwi vêl lo vin a che mai a. “Pathian chu A thilngiatâh a dikin, a fel tih a hria a, ngen a nih ang tak chuan thil a ti ta mai a ni.”—Ellen G. White, *Thlahtubulte leh Zâwlneite*, p. 153. “Abrahaman Pathian a ring a, chû rinna chu a felnaah ruat a ni: Pathian T̄hian tih a ni ta a” (*Jakoba 2:23*). Hê rinna thiltih hi êng zung chak tak niin, keini Abrahamâ fâ, rinna kawnga kal dân zir mêkte tân lam rinna kawng min chhun ênsak ta a ni.

**Ngaihtuah teh:** Abrahamâ chanchin khân hun rei deuh zâwk atâna rinna t̄han puitlin chhoh zêl dân eng zirlaite nge a târlan? Hêng hlawhchhamnate hian t̄awngt̄ai chhâna atâna mahni t̄ang tûra thlêm kan nih kawnga fuihna leh zilhna atân engtin nge min t̄anpui?

## **II. Rinna leh Thuâwihna (*Galatia 2:15–21*.)**

Rinna zârah, Abrahamâ khân a fapa hlân tûra Pathian ngenna chu a nih ang takin a zâwm a. Pathian chu ringin, A thusawi angin a che zui bawk a. Chutianga rinna leh ataka chêtna zârah mi fela ruât a ni ta a ni. “Min thlahtu Abrahamâ khân a fapa Isaaka maichâm chung a hlan lai khân, thil tih avângin mi fela ruât a ni lo’ m ni? Rinna chuan a thil tih nêna thawk dôn a, thil tih avângin a rinna chu a famkim ta tih in hria e,” (*Jakoba 2:21, 22, NIV*).

Chutichungin, dân zuina avângin Abrahamâ leh tû dang mah hi Pathian hmâah mi fela chhiar an ni ngai lo. Paula khân

dân zawm chungchângah eng harsatna mah a nei lo; Isua rinna zârah thuâwihna dik a awm thei a. Pathianin a fapa hlân tûra Abraham a ngenna chu chhâng lêtin, “LALPĀ ṭhatna leh rintlâknaah chuan a nunna chu chêng reng tûrin a intichak a.”—Ellen G. White, *Thlahtubulte leh Zâwneite* (2<sup>nd</sup> Edition, 2014), p. 135. Isaaka thlahte chu tuifinriat kama ṭiau vaivut zât leh vâna arsi zâta tam an la nih tûr thutiam kha ngaihtuah la. Rinna zârah thuâwih tûra chakna neiin, chû rinna chu a felnaa ruât a ni ta a ni.

**Ngaihtuah teh:** Engtin nge rinna hi thil hriat lohte leh chhiat tawhna kârah pawha thuâwih zêlna a nih? Hmalam hun Chiang lo anga a lan leh, rokhawlhna leh lungngaihna tlâkbuak ni chung pawhin, rinnaa thuâwihna nei tûr kan nih eng Bible entîrnaten nge târlang?

### III. Rinna, Thuâwihna leh Thiamchantîrna (*Galatia 2:15–21*.)

Paulan dân zawm vângin Pathian hmâa thiamchang nih theih dân a awm lo tih Chiang takin a sawi a. Isua Kristan, Amâ felna zârah thiam min chantîr a, chû felna chu rinnain kan nei a, chû chuan thuâwihnaah min hruai ṭhîn. Isuaa rinna kan neiin, A lakah eng mah kawmpui nei lo vin, thihna meuh pawh kan hmachhawn mai ang.

Nî tina mahni kan thihsan a, kraws ngaihlûa engkim kan kalsan a, mahnî thil tihte leh tlinna âia Kristâ nun kan pawm zâwk chuan, Pathian Fapa rinnaah chuan kan lo nung thei tawh ang. Isuaa rinna zârah thuâwihna kan lo nunpui tho laiin, Amah Isua pawh kha “kraws-a thihnaa thi khawp hiâla thuâwih!” (*Filipi 2:8*, NIV) a ni a—mahse thuâwihna hi Pathian hmâa thiam min chantîrtu chu a ni sî lo. Kan ṭhatna neih vê hian Kristâ ṭhatna chu a tluk phâk ngang lo. Ani chu duhthusâm ang thlapa thuâwih a ni a, thiamchantîr ni tûr chuan chutiang chu kan nih vê a ngai ang. Thuâwihna duhthusâm kan neih

theihna kawng awm chhun chu kan sual leh dik lohna âia rinnaa Kristâ thatfamkimna min pèk thutiamte chelh a ni.

**Ngaihtuah teh:** Chutiang taka thatna thilpèk ropui, kan suângtuah phâk bâk hlui kan nih lai hian, engati nge Isuâ thilthlâwnpèk hlamchhiah a, mahnî thatna behchhana thiamchantîr nih tum tûra thlêm kan nih leh sî thîn? Chutianga beihna rahchhuah chu enge ni? Mahnî ngaihdân zuia Pathian duhsakna hlawh tuma beihna eng mah lo a nihzia enge Bible-in min hrilh?

### **RAHBI 3—A Taka Nunpui Tûr**

**ZIRTÎRTÛTE PUÂL:** Mahni inkhêngbet a, Krista rinnaa nun thlang zâwk tûr kan nih entîr nân heta lemchan hi hmang tangkai ang che u.

**Lemchan Atân:** In pâwla tû emaw chu krawsa mi ang tûr perek lian tâwk pahnih chelhtîr la. In kohhran member tanpui tuma i beih mêk chuan member dangte hnênah ni lo lova i chanchin sawi angin ngai ula. Nang chuan Krista nêna khenbeh, A nun ang nunpuitu nih i tum ruh hlê thung a. Enge i tih tâk ang?

Mi dangte pawh chu perek keng a, chutianga ti tûr ang chuan sâwm hlawm ang che: 1) I rilâm lêm lo nân, an hlui ang che lo hnar harsâ i ti viau mai; 2) i châu tawh viau chungin, i fâte chuan an lo ngên vê chhên che a; 3) Meeting pawimawh tak neihna tûrah i tlâi a, i rilru a buai viau mai sî, a hun taka thleng hman ruâl i ni ta lo. Chhuânlahmah chuan traffic jam te pawh i hmang a ni thei e.

### **RAHBI 4—Boruak siam rawh**

**ZIRTÎRTÛTE PUÂL:** Kâr lo awm tûr chhûnga ti tûrin hêng hi sawi hmuh ang che. *Thupuan* bûa chibaibûktûten an chung a Isuan a thihsak avâng a an fak chhan tûrte ziah chhuahtîr la.

Chûng thu ziah chhuahte chu kêr tuâna hmuh theihna tûr remchâng laiah târ ang che. Tlan kan nihna vâng a hlim leh lâwmna lam hlâ eng emaw zât zawng chhuak ula. Pathian biak hunserh neihnaah in vawngin in saho bawk dâwn nia. Kristâ tlanna thilthlâwnpêk hriat chhuahtîr theitu tûr che u chu blanket-ah ziakin, in hmuh fo theihna tûrah in zâr dâwn nia.

**ZIRLAI 5-NA**

**KAIHTÂWI**

JULY 30, 2017

**Châng Thlan:** *Galatia 3:13.*

**Zirlaite Tân:**

**Hriat Tûr:** Thuthlung Hlui lama rinna avâng a tlanna leh thiamchantîrna manthiam nâna a ziârâng târlan.

**Vei Tûr:** Kan tâna Kristan Pa nêna inmihrana ânchhia a tawrh natzia leh lungngaih thlâkzia hriatpui.

**Tih Tûr:** Kan tâna Kristâ inhlanna thûkzia pawm leh manthiam a, kan sualte ngaidam leh min khuhsak tûra rinna nêna A felna pawm.

#### **THUPI TËN**

#### **I. Hriat Tûr: Thuthlung Hluia Tlanna**

- A Engtin nge Thuthlung Hlui huna inthâwina hmanga Tlanna thupui kha entîr a lo nih tîin?
- B Thuthlung Hluia eng thûte khân nge mi dangte chhan chhuah nâna Aiawhî insênsozia lo târlang le?

#### **II. Vei Tûr: Kan Tâna Ânchhia A Phur**

- A Engati nge Pathianin hê khawvêla Kristâ lo kal leh A thih hmâ daih aţanga âiawha inthihsakna târlan tûra a lo beih zui zêl?
- B Engati nge Kristâ chu man, hêk, saruak leh Khenbehnaa kalsan nih inhriatna chena tlâwmna leh muâlphonaa kan inchhiâr tel vê hi a pawimawh viau?

#### **III. Tih Tûr: A Man Pawmin**

- A Thuthlung Hlui huna inthâwinate kan tâna Kristâ insênso dân nî tina hriat nawntîrtu a ni. Engtin nge hêng ngaihruatna hi tûnlai hian kan tihthar leh ang?